

Påven Urban V utser Henrik Karlsson till innehavare av kanonikat och prebende i Uppsala domkyrka som blivit lediga genom påvens tidigare utnämning av Henrik (Biscop) till biskop i Slesvig (se DS nr 8056 ovan). Prebendets avkastning taxeras till högst 16 mark silver.

Påven befäller även exekutorerna, biskopen i Växjö samt kanikerna i Linköping Gunne Ingesson och Lars Petersson, att insätta Henrik eller dennes ombud som innehavare av kanonikat, prebende, rättigheter och övrigt som tillkommer honom, samt att försvara honom när han insatts; de skall se till att han eller hans ombud mottas i nämnda kyrka till nämnda prebende, som kanik och broder, att en korstol och plats i domkapitlet samt vederbörliga inkomster tilldelas honom.

Reg. Auin. 169, fol. 50r, Vatikanarkivet.

Tryckt: (ett kort utdrag) APS Cam. nr 740.

Om den påvliga nuntien Henrik Biscop se Y. Brilioth, Den påfliga beskattningen af Sverige (1915), s. 273 och 378; om kaniken Henrik Karlsson, sedermera ärkebiskop, se dens., Svensk kyrka, kungadöme och påvemakt (1925), s. 136; om det här aktuella tionde kanonikatet (Tierp) se G. Dahlbäck, Uppsala domkyrkas godsinnehav (1977), s. 89 f.

Delvis samma formulär använt i brev 1366 6/10 (DS nr 7432).

Urbanus episcopus seruus seruorum Dei dilecto filio Henrico Karoli canonico Vpsalensi salutem etc. Vite ac morum honestas ac alia probitatis et v[i]rtutum^a merita, super quibus apud nos fidedignorum comendaris testimonio, nos inducunt, utj tibi reddamur ad gratiam liberales. Dudum siquidem omnes canonicatus et prebendas ceteraque beneficia ecclesiastica nunc apud sedem apostolicam vacancia et imposterum vacatura collacioni et dispositioni^b nostre duximus reseruanda decernentes extunc irritum et inane, si secus super hiis ^ca quoquam^c quavis auctoritate scienter uel ignoranter contingerit attemptari. Cum itaque postmodum canonicatus et prebenda ecclesie Vpsalensis, quos venerabilis frater noster Henricus episcopus Slesuicensis tempore promocionis per nos facte de ipso ad Sle[s]ui[c]ensem^d ecclesiam tunc pastore carentem obtinebat, per huius promocionem et munus consecracionis de mandato nostro apud dictam sedem impensum eidem apud sedem ipsam vacauerint et vacare noscantur ad presens nullusque preter nos hac vice de ipsis canonicatu et prebenda disponere potuerit neque possit reseruacione et decreto obsistentibus supradictis, nos volentes tibi in presbiteratus ordine constituto, qui, ut asseris, nullum beneficium^e ecclesiasticum obtines ac juris canonici studio insistere proponis, premissorum meritorum tuorum intuitu gratiam facere specialem, canonicatum et prebendam predictos, quorum fructus redditus et prouentus sexdecim marcharum argenti secundum taxationem decime valorem annum ut asseritur non excedunt, sic vacantes cum plenitudine juris canonici ac omnibus iuribus et pertinenciis suis apostolica tibi auctoritate conferimus et de illa eciam prouidemus decernentes irritum et inane, si secu[s]^f super hiis a quoquam quavis auctoritate scienter uel ignoranter attemptatum forsitan est hactenus^g uel contigerit imposterum attemptari non obstantibus quibuscumque statutis et consuetudinibus ipsius ecclesie contrariis iuramento, confirmacione apostolica uel quavis firmitate alia roboratis, aut si aliqui apostolica uel alia quavis auctoritate in eadem ecclesia in canonicatus sint recepti uel ut recipiantur incistant^h, seu si super prouisionibus sibi faciendis de canonicatibus et prebendis in eadem ecclesia speciales uel de beneficiis ecclesiasticis in illis partibus generales dicte sedis uel ligatorumⁱ eius litteras impetrarint, eciam si per eas ad inhibicionem reseruacionem et decretum uel alias quomodolibet sit processum / quibus omnibus in assecucionem canonicatus et prebende predictorum te volumus anteferri sed nullum per hoc eis quo ad assecucionem canonicatum et prebendarum ac beneficiorum aliorum preiudicium generari, seu si venerabili fratri tuo episcopo et dilectis filiis, capitulo Vpsalensi, uel quibuscumque aliis communiter uel diuisim a prefata sit sede indultum, quod ad recepcionem uel prouisionem alicuius minime teneantur, et ad id compelli non possunt,

quodque de canonicatibus et prebendis ipsius ecclesie uel aliis beneficiis ecclesiasticis ad eorum collationem, prouisionem, presentationem seu quamuis aliam dispositionem coniunctim uel separatim spectantibus nulli valeat prouideri per litteras apostolicas non facientes plenam et expressam ac de verbo ad verbum de indulto huiusmodi mencionem et qualibet alia dicte sedis indulgentia generali uel speciali, cuiuscumque tenoris existat, per quam presentibus non expressam uel totaliter non insertam effectus huiusmodi nostre gracie impediri valeat quomodolibet uel differri et de qua cuiusque toto tenore habenda sit in nostris litteris mencio specialis, aut si presens non fueris ad prestandum de obseruandis statutis et consuetudinibus ipsius ecclesie solitum iuramentum / dummodo ^jin absentia^j tua per procuratorem ydoneum et cum ad ecclesiam ipsam accesseris corporaliter illud prestes. Nulli ergo etc. Nostre collationis, prouisionis, constitutionis et voluntatis ^jnfringere. Datum apud Montemflasconem xvij Kalendas Septembris, anno octauo^k.

In eodem modo · venerabili fratri episcopo Wexionensi et dilectis filiis Ginnonj Ingonis ac Laurencio Petri canonicis ecclesie Lincopensi salutem etc. Vite ac morum etc. vsque ad illud prestet. Quocirca discrecioni vestre per apostolica scripta mandamus, quatinus vos uel duo aut vnus vestrum per vos uel per alium seu alios eundem Henricum Karoli uel procuratorem suum eius nomine in corporalem possessionem canonicatus et prebende ac iurium et pertinenciarum predictorum inducatis auctoritate nostra et deffendatis inductum amoto exinde quolibet detentore facientes ipsum Henricum uel dictum procuratorem pro eo ad eandem prebendam in dicta ecclesia in canonicum recipi et in fratrem stalli sibi in choro et loco in capitulo ipsius ecclesie cum dicti juris plenitudine assignatis sibi de ipsorum canonicatus et prebende fructibus redditibus prouentibus iuribus et obuencionibus vniuersis integre responderj non obstantibus omnibus supradictis, aut si eisdem episcopo Vpsalensi et capitulo uel quibusuis aliis communiter uel diuisim a prefata sit sede indultum, quod interdici, suspendj uel excommunicari non possint per litteras apostolicas non facientes plenam et expressam ac de verbo ad verbum de indulto huiusmodi mencionem. Contradictores auctoritate nostra etc. Datum ut supra.

^a vrtutum ms. ^b Härefter överstruket vestre ms. ^{c-c} Hopskrivet ms. ^d sleuien- ms. ^e Så ms. ^f secuc eller secut ms. ^g Så ms. ^h D. v. s. insistant. ⁱ D. v. s. legatorum. ^{j-j} Hopskrivet ms. ^k Före detta ord överstruket primo ms.